

[0]搵食

[1]「奶茶凍咖啡？」

鴛鴦檸檬茶外賣拎上電單車。

今年又有疫情外面咁熱你想點樣呢？

擺個電話出嚟揸下掣又做乜要出街呢？

[2]打開個APP畀你揀想食早餐午餐晚餐。

坐低得閒埋嚟睇睇揀下呢間嗰間邊間。

凌晨時間碰下運氣睇下邊間仲係未門。

快啲啦過咗十點佢就唔會幫你落單。

[3]每日公司做嘢咁劫好多時九點先放工。

可以噏埋嘢食陣間返屋企唔好睇嗰一個鐘。

香港九龍新界都咁方便點樣噏都得。

星期一二三四五六都有唔少得星期日。

[4]後生仔傾下計啦我見你咁勤力。

每日戴晒口罩送外賣呢我有叫嚟食。

聽講你頭先返完學都有返到屋企。

依家又排隊等單，你有做功課就知死！

[5]咩話！屋企人做嘢搵錢你希望都幫手？

因為爸爸媽媽辛苦做嘢養活一家咁多口？

月尾睇下個銀包得返啲銀仔你點樣維持生計？

所以你細細個就要識照顧自己香港乜嘢都貴。

[6]慢慢你就會習慣香港人做嘢嘅節奏。

你一個肥仔做得兩年我包保你會瘦。

香港人平均工時講緊每個星期四十八個鐘。

仲有好多朝九晚九未做晒都唔使旨意放工。

[7]廣東話係比較難學香港人又比較涼薄。

但係嚟咗就要適應唔好用你把尺去量度。

唔同嘅人有唔同原因你終於嚟到香港。

咁就疊埋心水融入香港睇下咩嘢叫做劏房。

[8]細路一日一日長大，最緊要唔好驚會失敗。

就算唔識路又唔識講你都試下多啲落街。

講錯唔好怕，下次講返啱就得啦。

最怕你睇錯地址送錯外賣噉就唔好喇。

00169:《搵食》Making Money

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text

"Making Money" (Cantonese), written by 939, published by HamBaangLaang (© HamBaangLaang, 2022) under a [CC BY 4.0](#) license on hambaanglaang.hk

[Find out more here: [HamBaangLaang Attribution terms and CC 4.0](#)]
